

## LA USC DI LADINS – VENERDÌ 12 LUGLIO 2013

### N om de cultura

N recort de Paul Riz de Federico de Ciampedel, n gran testamonech de sia tera e de sie temp.

# L'arpejon de Paul Riz

L'é se n jit n gran testamonech de la cultura e de la tradizions ladines, che l'à portà inant tant con la fauc che col lapisc

**Ciampedel** - A l'età de 87 egn (l li aessa compii ai 9 de setember), tel chiet de sia majon a Ciampedel, en vender ai 5 de messèl Paul Riz de Federico l'é se n jit te anter i brac del Segnoreddie.

N muion de jent, da duta la val, se à binà te geja di Sènc Felip e Giacum a Ciampedel per ge dèr l'ùltim salut a chest om picol e mègher, ma fin en ùltima pien de forza e de vitalità, stimà e benvolù.

Paul Riz l'é stat n gran testamonech de sia tera e de sie temp. Feruscol e gaert, l'à portà inant la cultura e la tradizions ladines tant con la fauc che col lapisc, con pascion e amor per sia tera.

Duc aea gust de se fèr doi ciacoles con el, soraldut sun Duron, olache Paul l jia semper dò l fegn e olache – l l'à recordà



Paul Riz.

ence don Luigi a la sepoltura - l'aea rencurà i capitie e l li aea fornii con sia orazions per ladin.

So amor per la cultura, la



tradizion e l lengaz ladins l'aea portà a meter jù, del 1986, si recorc, percheche no vae dut perdù desche la roba veies che l

ge tegnia tant, e che ai 5 de mé de chel an se aea brujà con cèsa e tobià. Si "Pensieres de un fascian" era stac publiché da l'Istitut

Cultural te Mondo Ladino de 1990.

E l'aea endò ciapà ite del 2007 "dò 20 egn da canche se òn brujà, e dò 20 egn da canche l'é mort mie e nosc amich Simon de Giulio da Penia, m'é metù indò a scriver... canche l'é jà sonà la ciampanela di 80..." Chisc secondi scric é stac publiché amò te Mondo Ladino nr 33 del 2009, ma amò de etres l n'à lascià stroz te cèsa, che podarà vegnir metui adum te n soul liber, testimonianza emportanta de na scrittura populèra sciantiva e de n rich patrimonie de parola veies, usanzas e toponimes.

Dalbon, descheche à dit Antone Polam a inom de l'Istitut e de l'Union di Ladins, Paul Riz l ne à lascià de bie recorc, ensema a pèsc e amor, desche l fen, l'erba e l fior de Simon de Giulio. (lg)